



Inatsisartunut ilaasortaq, Per Rosing-Petersen
Partii Naleraq
/MAANI

Kangerlussuarmi mittarfik pillugu § 37 naapertorlugu apeqquteqaammut nr. 2015-252-imut akissuteqaat

Brevdato: 26-10-2015
Sags nr. 2015-13341
Dok. nr. 1371586

Asasara Per Rosing-Petersen

Kangerlussuarmi mittarfimmut tunngatillugu apeqquteqaammut Inatsisartut suleriaasianni § 37 naapertorlugu nassiuissimasannut qujanaq.

Aallarniutigalugu ilisimatitsissutigissavara ulloq 12. oktober 2015 erseqqissaammik tusagassiutitigut nalunaaruteqarama, Radioaviisimi ulloq 8. oktober 2015 aporsorneqarnerma nalaani siunertaanngitsumik, kisiannili ersarinngitsumik oqaaseqarnerma kingorna, ajoraluartumik Kangerlussuarmi qanoq issutsit pillugit paatsuunganermik pilersitsisinnaanera aaqqiiviginiarlugu naqqiissuteqarfingineqarnissaa pillugu.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Ineqarnermut, Sanaartornermut Attaveqarnermullu Naalakkersuisutut erseqqissassavara Kangerlussuarmi mittarfimmut tunngatillugu pissutsit, minnerunngitsumillu isumannaallisaanermut apeqqutit, pingaartitorujussuugakkit, taamaattumik suliap ingerlanera maannakkut ingerlasoq pillugu ingerlaavartumik malinnaateqqullunga atorfilitakka piumaffigaakka, taassuma ataani mittarfiup pitsaassusaa pillugu ersarissunngortitsissarpuit ilanggullugu. Suliaq taanna ingerlaavartumik ingerlanneqarpoq, tassanilu paasissutissat annertoorujussuupput, aammalu teknikkimut tunngasortai annertoorujussuullutik.

1. Naalakkersuisup oqaatsimini paasissutissaq Kangerlussuarmi 300 meterit atorneqarneq ajornerat suminngaaniit pissarsiarisimavaa?

Naalakkersuisoqarfimma, Mittarfeqarfiiit aamma Grontmij A/S-ip akornanni allaffissornikkut ataatsimeeqatigiinnermut malitseqartitsissutit, Nuummi, Ilulissani aamma Kangerlussuarmi mittarfiiit takusarlugit misissorneqarnerannut tunngatillugu atorfilitannit paasissutissat tiguakka. Radioaviisimi aporsorneqarninnut atatillugu oqariartuutit taakkua, paatsoorneqarsinnaasumik ingerlateqqippakka .

Aporsorneqarninni 300 meterit oqaatigineqartut, mittarfiup ilaanut mittarfiup tamakkerluni takissusaanut ilaasumut, aammalu aallaaviatigut – aamma ullumikkut - miffigineqarsinnaasumut qangattarfigineqarsinnaasumullu tunngassuteqarput.

Kisiannili mittarfiup qanoq issusaa nammassinnaasaannut aammalu oqimaassutsini killilersuinernut tunngatillugu, arlalinnik killissaqarneranik malitseqarpoq. Tassunga tunngatillugu tamatuma kingunerisaanik mittarfimmi oqimaassutsinut killilersuinerit atuuttut, timmisartoqarfiup AIP-ia aqqutigalugu nalunaarutigineqartut, malitsigisaannik Air Greenland-ip Airbus-ia aasaanerani taamaallaat kitaaniit kangimuinnaq missinnaavoq aammalu kangianiit kimmuinnaq aallarsinnaalluni.

2. Paasissutissaq taanna qanoq itisilerneqarsinnaava?

Akissut matuma siulianiittoq takuuk.

Inussiarnersumik inuulluaqqusillunga

Knud Kristiansen